

او کون سوقاقلرده اسلامدن بولدقلری و بعضی لرده اولردن قالدیردقلری
آدملری سوروب شهرک نهایتندکی اورتودوقس مزارستانه طویلا یوب بیک
اوجیوز قدرینی فرداسی کونی ییان اوله رق تحت الحفظ برود جاده سیله
آوستریاده اولوماج قلعه سنه کوتوردیلر. حتی اختیار بلبل زاده حاجی مصطفی
آغایی و مجنونیتله هرکسه معلوم اولان عبه جیک شوشو مویو و مدرس اختیار
ونخیف الوجود غورازده لی درویش افندی بی یاقه لیوب اسرا آراسنده ایکن
زیچیه کلدکلرنده موسی الیه درویش افندی نیک آرتق یورو مکه محالی قالدیغنی
محافظلری کوردقلرنده آئی اوراده تفنک دانه سیله شهید ایتمشدر.

آوستریا عسکرینی تعقیب ایدن غیر مسلم کویلو سرسریلری و بورانک
ادبسنر طاقی عسکر مزبورک سرای شهرینه دخولی و فرداسی کونلری اووه نیک
باج خانه سندن تا کالوشه سوقاغنک یاریسنه قدر اسلام خانه و دکانلری اشیاسنی
یغماسیله مشغول ایکن منعلرینه آوستریا ضابطان و آمرلری طرفندن بر
تشبهات وقوع بولما مشدر.

آغستوسک یکر می برنده عثمانی دولت نیک خدمتنده اوله رق عسکر
وردیف سلکسند بولنش اولان ضابطان و نفراتک همان قشله یه کله لری
و کله ینلر اولور ایسه آمر جزایه دوچار اوله جقلری مانده اعلانات ایله تنبیه
ایدوب اوج بیک قدری طویلادیقنده کذالك ییان اوله رق تحت الحفظ آوستریا
اولکاسنده اولوماج ولینچ قلعه لرینه سوق اولندیلر.

فی ۲۲ آغستوسده اعلانات ورقه لرله و کذالك غیر مسلم دلالرله
تنبیه اولندیکه :

مقدما هرکس مشغول بولنش اولدینی ایش و کار و کسب ایله مشغول
اولق اوزره همان چارشوده دکانلرینک آچیلمسنی و مغایر امر حرکت
ایدنلر آمر جزایه دوچار اوله جقلری تنبیه اوله رق خوف ایدنر کندنی
چو جقلری واسطه سیله دکانلرینی آچدیلر.

دشمن عسکرینک شهره دخولند غازی خسرو بک جامع شریفندن
ماعداء عربیه کله بیلور سوقاقلرده بولغان یکر می درت جوامع و مساجد

و حرملرینی مهمات و ارزاق و مشروبات عسکریه ایله طویلدیروب ضبط ایتمدیلر.

حتی ابو الفتح سلطان محمدک جامی دخی بویله لوازمانله مملو اوج
سنه قدر اللرنده بولندی. سائر جامعدر درت بش سنه ودها زیاده ید ضبطلرنده
قالمشدر بو کونلرده غازی خسرو بک مدرسه سندن ماعداء دیگر درت
مدرسه یه غیر مسلم فقرا و فامیلیلری دخول ویرلشوب بر سنه قدر اقامت
ایتمدیلر. آوستریا اردوسنک شهره کلزدن اول فاضل پاشا زاده مصطفی
و برادری عمر بکر و صقوللی زاده صنع الله افندی و اوزونی زاده میرلوا عصمت
پاشا وینه اوزونی زاده عاصم و اسعد افندیلر و چنغیک علی پاشا ودها بر قاجی کویا
یابلا یجا بو غازی محافظه سنده بولنق اوزره شهر سرایدن تبعاعد ایتمش ایدیلر.

مقدما سرای بوسنده مقیم بولنش اولان آوستریا دولت نیک قونسلوس
ترجمانی هر قالوویچ طومو و قاتولیک رئیس روحانیسی فراغرغو افندی
مارتیکک اخطاری اوزرینه اشراف و معتبران بلده نیک هر ملتندن دردر. بشر
ذاتک جنرال فیلیوویچه خوش آمدی رسمنی ایضا ایتمک اوزره حکومت
قوناغنه کیدلمسی مناسب اولدینی بیانیله بو وقتنده شهرده موجود بولنش اولان
شریف زاده فاضل پاشا و مفتی حاجی عمروویک مصطفی حلمی افندی
و کورکچی زاده راغب افندی وینه کورکچی زاده حاجی لطفی آغا و اورتودوقس
متره پولیدی آنتیموس و قاتولیک رئیس روحانیسی فراغرغو مارتیک و حاحام
پاشی عاورام افندیلرله اولنرک مذهبا شلردن ایکیشره اوچر کیشی و الحاصل
اون سکیز ذات حکومت دائره سنک صالون اوطه سنه کلوب حلقه واری
طرزنده دیزلدقلرنده والینک اوطوردینی اوطه دن جنرال فیلیوویچ چیقوب
حلقه نیک باش طرفنده زائر لرله بعد المساحه فاضل پاشا یاننده طوروب نقطه
آغاز ایتدی :

اوج سنه دنبرو بوسنه و هر سکنده دوام ایدن اختلالک دفع و تسکینه
حکومت عثمانیه مقتدر اولدینی و یوللریکیز بوزوق و کوپریلر خراب
و حریت شخصییه و مساوات ملیه مفقود بولوندیغنی سز لر کورورایکن آوستریا
دولتی قوی الشیم اولدینی حالده اختلالی اطفا و آسایش و استراحت عمومییه بی